



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Մ. Դավթի 87ա

<<16>> նոյեմբեր 2020թ.

Ո Ր Ո Շ ՈՒ Մ No. 1956-1-Ա

վարչական ակտն ուժը կորցրած ճանաչելու մասին

Հայաստանի Հանրապետության պետական եկամուտների կոմիտեի իրավաբանական վարչության պետ Արման Մնացականյան, քննարկելով ֆիզիկական անձ Արմեն Վաչեի Անտոնյանի վերաբերյալ վարչական վարույթի նյութերը,

Պ Ա Ր Զ Ե Ց Ի

Համաձայն 26.12.2019թ. հարկային պարտավորությունների հաշվարկման վերաբերյալ թիվ Վ1/5253-2019 տեղեկանքի (տեղեկանքը կցվում է)՝ ֆիզիկական անձ Արմեն Վաչեի Անտոնյանի (ՀՎՀՀ՝ 54702363, ՀԾՀ՝ 2903570221, հասցե՝ Արագածոտնի մարզ, ք. Աշտարակ, Պողոսյան փ. 147 տ.) չկատարված հարկային պարտավորությունը 26.12.2019թ. դրությամբ կազմում է 2.881.980 դրամ, որից ապառք՝ 2.430.000 դրամ, տույժ՝ 451.980 դրամ, որը հաշվարկվել է ֆիզիկական անձի կողմից 2018թ. ձեռնարկատիրական գործունեության առարկա համարվող գույքի օտարման գործարքի իրականացման արդյունքում՝ ՀՀ հարկային օրենսգրքի (այսուհետ՝ Օրենսգրք) 150-րդ հոդվածի 10-րդ մասով և 401-րդ հոդվածով սահմանված կարգով:

Վերոնշյալ պարտավորությունը գանձելու վերաբերյալ 08.07.2020թ. կայացվել է թիվ 1956-Ա որոշումը:

Օրենսգրքի 140-րդ հոդվածի համաձայն՝ ֆիզիկական անձը, հանդիսանալով եկամտային հարկ վճարող, Օրենսգրքի 156-րդ հոդվածի 4-րդ մասի 2-րդ կետի համաձայն՝ պարտավոր է մինչև յուրաքանչյուր հաշվետու ժամանակաշրջանին հաջորդող հարկային տարվա ապրիլի 20-ը ներառյալ Օրենսգրքի 53-րդ հոդվածով սահմանված կարգով հարկային մարմին ներկայացնել Օրենսգրքի 151-րդ հոդվածի 3-րդ մասով սահմանված եկամուտների մասով եկամտային հարկի տարեկան հաշվարկ և վճարել դրա արդյունքում առաջացող հարկային պարտավորությունների գումարը՝ համաձայն Օրենսգրքի 158-րդ հոդվածի 2-րդ մասի 2-րդ կետի:

Հաշվի առնելով այն հանգամանքը, որ թիվ 1956-Ա որոշման կայացումից հետո ֆիզիկական անձ Արմեն Վաչեի Անտոնյանի կողմից ներկայացվել է եկամտային հարկի և սոցիալական վճարի 2018թ. տարեկան հաշվարկ, ուստի առկա են բավարար հիմքեր հարկային պարտավորությունների հաշվարկման վերաբերյալ թիվ Վ1/5253-2019 տեղեկանքի հիման վրա կայացված թիվ 1956-Ա որոշումն ուժը կորցրած ճանաչելու համար:

Ելնելով վերոգրյալից և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 66-րդ հոդվածի 2-րդ մասով՝

Ո Ր Ո Շ Ե Ց Ի

Ֆիզիկական անձ Արմեն Վաչեի Անտոնյանի վերաբերյալ ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ իրավաբանական վարչության պետի կողմից 08.07.2020թ. կայացված թիվ 1956-Ա որոշումը ճանաչել ուժը կորցրած:

**ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ**



Ա. ՄՆԱՑԱԿԱՆՅԱՆ

Կատարող՝
Իրավաբանական վարչության հարկադիր գանձման և
պարտավորությունների կատարման ապահովման բաժին
Է. Լուսինե Ջաղացականյան
հեռ.՝ 011 549 191 (9168)